

На стиховне стихиры, глас 7. Космы монаха:

Украши твой чертог, Сионе,/ и подыми Царя Христа,/ целуй Марию,
Небесную Дверь:/ Та бо престол Херувимский явися,/ Та носит Царя
Славы./ Облак света есть Дева,/ носящи на руках Сына прежде денницы,/
Егоже приемь Симеон на руки своя,/ проповедуя людям Владыку Сего//
быти живота и смерти и Спаса миру.

Стих: Ныне отпускаеши раба Твоего,/ Владыко, по глаголу Твоему, с миром.

Возсиявшего прежде век от Отца,/ напоследок же от ложесн
Девических/ носящи в церковь неискусобрачная Мати,/ в Синайстей горе
Законоположившаго,/ повелению законному повинующася/ принесё
святителю старцу и праведнику,/ Христа Господа видети обещаंना./ Егоже
приемь Симеон на руки своя,/ возрадовася, вопия: Бог есть Сей,/ Отцу
Соприсносущный, // Избавитель душ наших.

Стих: Свет во откровение языков/ и славу людей Твоих Израиля.
Носимаго на колеснице Херувимстей/ и певаемаго в песнях Серафимских/
носящи на руку Богородица Мариа,/ неискусобрачно из Нея
Воплощагося, Законодавца,/ закона исполняюща чин,/ подаёше рукам
старца иерея./ Живот же носяй живота прошаше разрешёния,/ глаголя:
Владыко, ныне отпусти мя возвестити Адаму,/ яко видех непреложна
Отроча, // Бога Превечнаго и Спаса мира.

Слава, и ныне, глас 8. Андреа Критскаго:

Иже на Херувимех носимый/ и пваемый от Серафим,/ днесь в
Божественное святилище по закону приносим,/ на старческих, яко на
престоле седит руках/ и от Иосифа приемлет дары Боголепно,/ яко супруг
горлицищ,/ нескверную Церковь и от язык новоизбранныя люди,/ голуби
на же два птенца,/ яко Начальник Ветхаго же и Новаго./ Еже к Нему
обещания Симеон конец прием,/ благословя Деву Марию Богородицу,/
страстей образы,/ Иже из Нея, провозгласи и от Него прошаше
отпущения,/ вопия: ныне отпусти мя, Владыко,/ якоже прежде возвести
ми,/ яко видех Тя, Первовечнаго Света// и Спаса Господа христоименным
людem.

Таже, Ныне отпускаеши:

Трисвятое и по Отче наш:

На благословении хлебов Тропарь праздника трижды:

Радуйся, Благодатная Богородице Дево,/ из Тебе бо возсия
Солнце правды, Христос Бог наш,/ просвещаяй сущия во тьме./
Веселися и ты, старче праведный,/ приемый во объятия
Свободителя душ наших, // дарующаго нам Воскресение.

И чтение.

На Утрени, на Бог Господь, тропарь трижды.

Величание По Касторскому

Музыкальное произведение в нотной форме, включающее вокальную партию (Т. I, Т. II) и basso continuo (Бар. Б.).

Текст песни:

Величаем Тя, Живодавче Христе, и чтим Пречистую Матерь Твою, Еюже по закону ныне принесся еси в храм Господень.

Величание:

Величаем Тя, Живодавче Христэ,/ и чтим Пречистую Матерь Твою,/ Еюже по закону ныне/ принесся еси в храм Господень.

Отрыгну сердце мое слово благо, глаголю аз дела моя царэви. Язык мой - трость книжника скорописца. Красен добротою паче сынов человеческих. Препояши меч Твой по бедре Твоей, Сильне, и наляцы, и успевай, и царствуй истины ради, и кротости и правды. Возлюбил еси правду и возненавидел еси беззаконие. Слыши, Дщи, и виждь, и приклони ухо Твое, и забуди люди Твоя и дом отца Твоего. И возжелает Царь доброты Твоея. Яко Той есть Господь Твой, и поклонишися Ему. Лицу Твоему помолятся богатыи людстии. Господь во храме святем Своём, Господь на Небеси престол Его. Видеша быша шествия Твоя, Боже, шествия Бога, моего Царя, Иже во святем. Свят храм Твой, дивен в правде. Дому Твоему подобает святыня, Господи, в долготу дний. Помяну имя Твое во всяком роде и роде, яко благо пред преподобными Твоими.

Слава и ныне: Аллилуия: Трижды.